



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Na osnovu člana 10. st. 5. i 6. Zakona o veterinarstvu u Bosni i Hercegovini („Službeni glasnik BiH“, broj 34/02) i priloga I, poglavlja B, tačke 2. Programa mjera kontrole zaraznih i parazitarnih bolesti životinja i njihovom provođenju u 2017. godini („Službeni glasnik BiH“, broj 19/17) i člana 3. Odluke o odabiru programa mjera kontrole i iskorjenjivanja bruceloze malih preživara u Bosni i Hercegovini za period 2017 – 2021. godine (broj: 02-1-27-20-373-1/17 od 07.04.2017. godine), Ured za veterinarstvo Bosne i Hercegovine, donosi

**UPUTSTVO**

**O ORGANIZOVANJU PROVOĐENJA VAKCINACIJE PROTIV BRUCELOZE MALIH  
PREŽIVARA I POSTVAKCINALNOG MONITORINGA U 2017. GODINI**

**Član 1.**

Ovim Uputstvom propisuje se način provođenja vakcinacije malih preživara protiv bruceloze u 2017. godini i postvaccinalnog monitoringa za područje Bosne i Hercegovine i dostavljanje potrebne dokumentacije.

**Član 2**

- (1) Obavezna vakcinacija vakcinom OCUREV Rev 1 pripremljenom za konjunktivalnu aplikaciju provodi se kod malih preživara starosne dobi od tri do šest mjeseci.
- (2) Pored malih preživara starosne dobi od tri do šest mjeseci, izvršice se vakcinacija svih malih preživara starijih od 6 mjeseci koji nisu obuhvaćeni vakcinacijom zbog gravidnosti, zdravstvenih ili drugih razloga u prethodnim godinama, uz obavezno označavanje identifikacijskom i vakkinalnom ušnom markicom ukoliko isti nisu prethodno označeni identifikacijskom ušnom markicom.
- (3) U 2017. godini, u stadima u kojima nikada nije provedena vakcinacija, ili je provedena na manje od 50% životinja u stadu, na trošak vlasnika će se na svim malim preživarima starijim od 12 mjeseci provesti prevakkinalna dijagnostika. Nakon dobijanja rezultata od strane dijagnostičkih veterinarskih laboratorija, samo u slučaju negativnog rezultata na pojavu *Brucella melitensis* će se provesti vakcinacija odraslih jedinki isključivo uz prisustvo nadležnog veterinarskog inspektora.
- (4) Nadzor nad implementacijom programa provode Ured i nadležna veterinarska inspekcijaska tijela za područje svoje nadležnosti o čemu dostavljaju izvještaje Uredu i nadležnim entitetskim ministarstvima poljoprivrede i Odjeljenju za poljoprivredu Brčko Distrikta Bosne i Hercegovine.

**Član 3.**

- (1) Plan vakcinacije/distribucije svaki za svoje područje nadležnosti, donose: Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske i Odjel za poljoprivredu, šumarstvo i vodoprivredu Brčko Distrikta Bosne i Hercegovine (u daljem tekstu: nadležna tijela entiteta i Brčko Distrikta BiH).
- (2) Ured vrši koordinaciju dostavljenih prijedloga iz stava (1) ovog člana i na osnovu analiza rezultata implementacije programa iz prethodne godine predlaže konačni Plan distribucije za tekuću godinu.
- (3) Raspodjela materijala za provođenje vakcinacije u Bosni i Hercegovini vršice se sukcesivno prema veterinarskim organizacijama od strane Agencije za označavanje životinja u skladu sa konačnim planom iz stava (2) ovog člana.
- (4) Svim veterinarskim organizacijama će u toku implementacije programa vakcinacije biti dostavljeni ugovori o implementaciji delegiranih zadataka na vakcinaciji malih preživara protiv bruceloze i postvaccinalnog monitoringa.
- (5) Redistribucija između veterinarskih organizacija će biti omogućena samo između veterinarskih organizacija iz plana vakcinacije/distribucije. Primopredaja materijala i opreme mora biti praćena

odgovarajućom dokumentacijom (forma reversa), koja će se dostavljati Uredu i nadležnim entitetskim ministarstvima poljoprivrede i Odjelu za poljoprivredu Brčko Distrikta BiH najkasnije pet dana nakon obavljene redistribucije.

- (6) Svaka veterinarska organizacija je dužna, nakon 31.12.2017. godine, obavjestiti Ured i nadležna entitetska ministarstva poljoprivrede i Odjel za poljoprivredu Brčko Distrikta BiH o količinama neiskorištene opreme i materijala (vaccine, ušnih markica, obrazaca i zaštitne opreme) zadužene od strane Agencije.
- (7) U slučaju ne pridržavanja u potpunosti ovog Uputstva i ostalih propisa koji uređuju ovu oblast, Ured, nadležna tijela entiteta i Brčko Distrikta BiH imaju pravo isključiti bilo koju veterinarsku organizaciju iz daljeg provođenja programa.

#### Član 4.

- (1) Uvidom u plan iz člana 3. stava (2) ovog Uputstva, Ured će prema veterinarskim organizacijama vršiti plaćanje faktura za provedenu vakcinaciju.
- (2) Svaka faktura dostavljena od strane veterinarske organizacije Uredu, mora biti praćena u potpunosti pravilno popunjenim originalnim primjercima Obrazaca o provedenim mjerama vakcinacije protiv bruceloze.
- (3) Veterinarske organizacije su dužne dostaviti dokumentaciju iz stava (2) ovog člana Uredu najkasnije u roku od 10 dana od dana provedbe vakcinacije.
- (4) Prilikom dostavljanja prve fakture, veterinarska organizacija je dužna dostaviti i potpisan Ugovor iz člana 3. stava (5) ovog Uputstva.
- (5) Plaćanje prema veterinarskim organizacijama neće se vršiti prije usvajanja konačnog plana iz člana 3. stava (2) ovog Uputstva za tekuću godinu i dostavljanja kompletne dokumentacije iz st. (2), (3) i (4) ovog člana.

#### Član 5.

- (1) Nakon provedene vakcinacije, provešće se postvakcinalni monitoring na maksimalno 6000 ukupno vakcinisanih životinja, koji će se organizovati na osnovu stvarnog izvršenja plana iz člana 3. stava (2) ovog Uputstva.
- (2) Veterinarska laboratorija odabrana u javnoj nabavci za potrebe uzorkovanja, pripremu i obradu uzoraka za potrebe postvakcinalnog monitoringa bruceloze kod malih preživara, će po nalogu Ureda vršiti uzorkovanje po sistemu slučajnog ili rizikom određenog izbora.
- (3) Uzimanje uzoraka će se provesti u periodu od 21 do maksimalno 60 dana od dana vakcinacije.
- (4) Ured će pripremiti sistem vakcinisanih stada, koji treba ispitati uporedo sa kampanjom vakcinacije, uz izbor 3 do 5 stada po veterinarskoj organizaciji, te isti dostaviti laboratoriji iz stava (2) ovog člana, koja je dužna vršiti uzorkovanje, pripremu i obradu uzoraka za potrebe postvakcinalnog monitoringa bruceloze kod malih preživara.


#### Član 6.

Troškove provođenja vakcinacije od strane veterinarskih organizacija u iznosu od 3 KM po životinji (bez PDV-a) snosi Ured iz preostalih sredstava sufinansiranja projekta IPA 2012.

#### Član 7.

Stupanjem na snagu ovog Uputstva, stavlja se van snage Uputstvo broj 02-2-27-20-373-4/17 od 17.05.2017. godine.

Ovo Uputstvo stupa na snagu danom donošenja.



Ljubomir Kalaba, dr vet.med.spec.

Broj: 02-2-27-20-373-8/17

Datum: 06.07.2017